

Hobelschaitten zu machen.

Nimme ein halbes Pfund Mandel/ ein Bierling stöß groblecht/ vnd den andern Bierling schneid klein gestüfflet/ gieß etlich Tröppfl Wasser daran/ vnd gestossenen Zucker so vil daß süß wird/ schneid ganz vterectete Fleckel von Oblat/ schmiere es darauf so dick als ein Messer-Rücken/ du must Lemonischäller auch darunter mischen/ laß bachen daß es ein wenig braun wird/ überstreichs mit Eiß/ laß wider bachen/ daß das Eiß wol aufgezogen ist.

Springerl zu machen.

Nimme ein Pfund Zucker/ stöß vnd fähe jhn/ nimb 24. Loth Mehl/ vnd misch darunter/ nimb Zimmet/ Nāgel/ Muscatnuß/ vnd Lemonischäller/ schneids so klein als du kanst/ mische es auch darunter/ machs an mit Ahrklar/ vnd Lemoni saft/ mach den Taig so dich als du kanst/ knöt jhn wol ab/ walck jhn wol auf/ am dünsten wie ein Papier/ truck auf einer Sgenten den Model/ laß ein baar Stund stehen/ darnach bachs Semmelbraun/ laß fühl werden / überstreichs mit einem Eiß/ leg es wider in die Torten-Pfannen/ daß das Eiß Blatern gibt/ laß fühl werden.

Das